



Minggu, 02 Juli 2023

Ogen: MATIUS 25:26-27



Ngaturken Duit Alu Mehuli



Persoalen ekonomi megati jadi sumber perubaten. Rumah tangga goyah masalah ekonomi, ersenina ntaht eraturang la siangkan perkara ekonomi. Kesenjangan ekonomi si bayak ras musil pe megati jadi jurang si erbanca lanai meriah. Emaka perlu kal tep-tep kita mengelola ekonominta alu mehuli gelah ula perkara sen ntaht pe duit ncedai perasanta, pergaulenta bahkan keluargata. Kita idilo nggeluh alu mehuli tempa kita nggeluh i Surga amin gia bas doni denga. Uga kin nggeluh i surga e, emekap teridah keriahen ukur, kegeluhen si teratur ras terencana, la lit si ceda-ceda ukur bagepe latih akapna rukur. Kinatana, bas masa genduari enda, mbue ka kita jadi kalak si latih rukur, perban "la lit sen", i bas sie nggo ikut-ikut ras ukur serbut, pengerana pe lanai eraturin. Jadi uga nge sibana carana gelah ola perkara duit lanai ukurta muji Dibata.

Erpalasken perumpaman talenta i bas ogenta, sada kalak si la mpergunakan talenta ndai alu payo emakap kalak si nusun talentana, la icidakhenna, la ipergunakenna ntaht pe "itanemkenna". Iakapna maka sada kerugin man bana janah keuntungan man tuanna adi ipergunakenna talenta e. Secara sederhana hal si enda nuduhkan man banta, maka pengelolaan sen ras talenta ula erpalasken kegoisenta jine. I bas paksa lit talenta/senta mehuli adi si aturken penggunanna rikutken perluna, ibana sipakeken guna mbangun usaha ntaht pe modal si banci pe ipergunakan kalak si deban. Seh maka, talentanta ndai jadi erlipat. Gunaken talenta e guna erdahin, seri katana gunaken senta e guna erdahin. Keunggulan kalak si maju bas ekonomi enggo beluh ia erdahin, tapi senna banna ndahiken dahin e. Tep-tep rejeki berupa duit ras kinilitenta sialokenlah alu pengataken bujur man Tuhan, dingin sipakelah alu bujur. Lit sikerajagenta, lit si kerajangen Tuhan, lit sikerajangen kalak si erdahin bas kita. Si maler arah kita, pasu-pasu Tuhan tading ka arah kita. Bali ras slogan koperasi 'dari kita, oleh kita untuk kita'. Mari si pesemal pemaken duit guna kesejahteraan bersama.

👉 Kalak megenggeng ngataken : i bas Tuhan aku megegeh